

19.11.2020

UKA2020/30

Nunatsinni, Namminersorlutik Oqartussat pilersitaannik, Namminersorlutik Oqartussat oqartussaaffigisaannik aningaasaqarnermik ingerlatsivinnik, soorlu aalisarnermut aningaaseriviliornissamik, kreditforeningiliornissamik, pensionskarsiliornissamik aammalu sillimmasiisarviliornissamik pitsaaqutaasussat akimmisaarutaasussallu pillugit Naalakkersuisut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut. Aallartitsinermi aningaasarsiornerup silarsuaani naatsersuutigineqartut, ass. pisortanit aallarnisarnermi aningaasaliissutaasussat aammalu sulisoqarnikkut pisariaqartinneqartussat nalunaarusiami pingaartillugit ilaatinneqassapput.

(Inatsisartunut ilaasortaq, Henrik Fleischer, Siumut)

Inatsisartunut ilaasortap Henrik Fleischer, Siumut, nunatsinni bankinik allanillu aningaasaqarnikkut ingerlatsisunik pilersitsinissamut siunnersuutaa pillugu Siumumiit imatut oqaaseqassaagut.

Maluginiarparput siunnersuutit taamaattut assingusulluunniit siusinnerusukkut saqqummiunneqartarsimasut. Tamannalu kingullermik UKA 2017/ 135 saqqummiunneqarsimalluni. 2018-imili qinersisoqarnera patsisigalugu unittiinnarneqarluni

Siunnersuuteqartup saqqummiussai tunngaviatigut Siumumiit isumaqatigaagut.

Siullermik oqaatigissavarput nunatsinni bank-t sillimmasiisarfiillu ukiorpassuarni sullissinerat tunngaviumik pitsaasumik ingerlammata.

Taamaakkaluartorli isumaqarpugut aningaasat nunatsinnini pilersinneqartut sumut tuttarnerut misissuiffigineqartariaqartut. Tunngaviumimmi aallaaviusariaqarpoq

Aningaasaq maani pilersinneqartoq aamma tamakkiisumik maani suleriaqqinnis-samut atorneqassasoq.

Ungasinngitsukkut Siumumeersup Erik Jensen-p siunnersuutigaa aningaaserivinnik

assigisaannillu sullinneqarneq maani nunami oqaatsit pingaarnersaat atorlugit ingerlanneqartariaqartoq. Taamatut siunnersuuteqarnerup takutippaa, naak aningaaseriviit nunatsinni ukiorpassuarni ingerlasimagaluarlutik innuttaasut amerlanerpaartaasa oqaasii, kalaallisut oqaatsigut, atorneqartarnissaannut eqqumasimangitsut.

Nalungilarput siusinnerusukkut nunatta inuussutissarsiutitigut atukkiisarneq

Nunatta karsia atorlugu atorneqarsimasoq. Ukiunilu makkunani tamanna annertu-
vallaarunnaarsimasoq.

Tunngavigineqartut ilagaat ullumikkut inuussutissarsiorniartut aningaaserivinnut attartorsin-
naanerat periarfissaqarnerulermat ?

Ukiut taarsersuiffissat amerlinerisigut, minnerunngitsumik inuusuttut aallarlerlaat amerlanerusut
periarfississagaat Siumumiit qularinngilarput.

Ullumikkut pissutsit kingunerisaasa ilagaat maani nunami innuttaasut ilaasa, minnerunngitsumik
aalisarnermik aallartitserusuttut attartorsinnaanerat killeqarnerusutut isikkoqalermat.

Tassani assersuutigiinnarsinnaavarput, soorlu umiatsiaararsortut ilaasa maani aningaaseriviit
ilaannit atukkinneqartarnerat annertuumik killilersorneqaleraluarpat.

Tunngaviusumiik isumaqarpugut aningaaseriviit aningaasanillu ingerlatsiviit

annertunerusumik maani nunami inuusuttut inuussutissarsiorniarnermikkut

pilersitsiniarnerannut killeqarsinnaasoq, soorlu ukiut taarsersuiffissat ikippallaanerisigut.

Aammattaaq illoqarfinni mikinerusuni illutaarniartut attartorsinnaanerata pitsaanerulernissaa
anguneqartariaqartoq Siumut isumaqarpoq. Ullumikkut Illoqarfiit ikittuinnaat, soorlu realkredit
aqqutigalugu attartorsinnaapput.

Suliassaq una Siumumiit soqutigintikkatsigu aammalu suleriaqqinnissaq 2017 –imi

Inatsisartuni taparserneqarsimareemat qanorlu ingerlariaqqittoqassanersoq
tunngavilerneqareemat Naalakkersuisut allannguutissatut siunnersuutaat, tassalu:

Kalaallit Nunaata pigisaanik aningaaserivimmik pilersitsinerup iluaqutissartaanik
ajoqutissartaanillu misissuineq , oqaluuserisassaq UKA 2017/135 naapertorlugu aallartinneqartoq
inaarsaqqullugu Naalakkersuisut peqquneqarnissaat pillugu Inatsisartut aalajangiiffisassaattut
siunnersuut – ilanngullugit Kalaallit Nunaanni aningaasaatinik aamma inunnik isumalluutinik
pilersitsinermi qanoq pisariaqartitsisoqassanersoq.

Taamaattumik Naalakkersuisut allannguutissatut siunnersuutaat Siumumiit isumaqatiga arput.

Misissuinerullu naammassineqarnissaa qilanaaralugu malinnaaffigissavarput.

Hermann Berthelsen, Siumut